

悔翁筆記

附詩詞鈔

懷翁詞鈔

悔翁笔记

附诗词钞

一函  
四册

北京市中国书店印行

定价：五十二元

上元吳氏銅鼓軒重雕  
民國廿年十月版歸燕京  
大學圖書館補刊印行

悔翁詩餘一

江甯汪士鐸

甥上元吳達重校刊

疎影

題余古香泛舟圖用竹垞黃梅韻

簾陰庭院映琉璃一幅綠雲如剪約  
略橋橫蘿逕依稀  
只有燕飛曾見錯疑西塞山前路  
對流水桃花笑展問  
誰何干役蘭風認得釣魚師面  
年來燕齊奔走憶江  
鄉垂柳輕蘸波淺菰蔣飄香鷗夢  
初酣卻被金飆吹卷  
難禁土梗漂零遠又宜歛翠螺千  
點羨伊人烟渚浮家  
早被吳裝煊染

摸魚子

題況芝房炊雪圖

對虛庭莓牆半堵漫空吹落飛絮  
朝來話冷橋頭鶴透

出寒烟縷縷風初午正鄰舍黃梁炊熟香浮釜飢腸如  
鼓掃脫葉零星輕冰清冽煮向窗深處疎簾內么弦  
久斷鸞柱數聲寡鵲歌苦同嘗倚竹牽蘿味幸有吹簫  
老嫗宵何許喚玉樹瓊枝分受一經去淒涼凍雨待絲  
綽裁紅貞珉刻翠芳字垂千古

綠意

用紅蕩莊咏芭蕉韻題金子元廣文棣華書屋圖  
卽以誌別

吳綃乍展瞥蘭芽香合荆花風颭石外欄重竹外窗疎  
一樹鄂跼相伴荀龍薛鳳東西廨誰忽翦涼波隔斷憶  
兒時月白燈紅長此芸籤厮見何事投簪歸里恐堂  
上金萱枕衾獨扇姜被還鋪夜雨聯牀新喜松陵綿幘  
愁予驅馬趨宣歙添多少倚閭清怨況青青杜葉含酸

嬾讀琳瑯黃絹

喝火令

闕題

作字飛鴻倦含苞短菊芳西風老圃話斜陽同是一班  
遲暮相賀又相傷 偃蹇憐渠命蕭疎笑我狂亦思築  
社待鴛鴦無奈多愁無奈鬢成霜無奈維摩抱病猶欲  
客他鄉

留客住

鷓鴣辛酉三月柏家沖作

無家別任飄萍楚江盤曲蠻烟莽草一線竿橋危絕南  
飛何時歸去相伴短竹深箐啼不歇畬田燒後正縱橫  
野水落花如雪 聲悽咽思婦敲砧逐臣賜玦千里同  
情惟有子規啼血昨夜夢中腸斷故里鶯花秦淮隄上

月客窗酒醒誤誰人慰藉鉤輅格磔

臺城路

丁酉秋日得熊照川川中信卻寄

攤衾飛入翩翩蝶秋風微披粉袷雪藕初肥湖蓮未老  
恰稱素懷小榻蘭芳暗接又送上冰盤紅菱綠葉試卷  
疎簾夜涼籬豆剛垂簌遙想西陵斷峽有萬松蒼翠  
泉幽路狹沙軟鋪緜峰高聳玉探徧白鹽赤胛蠻花輕  
招借石笋摩挲采來香螭聽徹鷓鴣向兜羅枝壓

下疊  
隱括

其來  
札也

應天長

白鳳飛回正瑤池宴罷醉過蓬萊霓裳飄綵縹鶴氅換  
毡毼霜皎皎雪皚皚鸚鵡觥雙杯祝西風把玉樓吹冷

再進芳醕 庭前一樹寒梅見紫淵  
烟暖青鳥相催瓊芝凝醴液  
火棗結玫瑰緣石筍接金臺  
珠闌爲誰開卻恐伊穆王乘興  
八駿能來

湘春夜月

用包丈慎伯韻

畫堂新雨過何處消魂遙看翠幙珠簾涼月又黃昏  
一朶牡丹凝露笑搓酥堆粉無限穠春歎東風如夢杏梁  
泥落燕子空存 沈郎消瘦青衫蠟屐重訪離門三尺  
青山誰信是朝飛暮卷過眼烟雲幾番鴻雪悔當年空  
種愁根依稀憶眼波笑靨在水晶屏上畫出芳痕

長亭怨慢

和王西湖詠柳韻 觸景有懷涉筆成趣危  
苦之音出以柔曼此義山之新調宋玉之微

詞所以卒免於患害也後  
之作者尚其有感於斯文

爲誰絆銀塘淺渚綠葉陰穠飛雲何許舞罷腰肢豔情  
竟作黏泥絮絲長枝短可曾賦楚宮雨被雙眼青青暗  
覷破芳蓮心苦容與向隋隄攀折見說樓臺有主眉  
痕斂翠怎禁得故人離緒縱柔條不解傷春奈隣笛斜  
陽吹處況歸去陶潛搖落柴桑幾度

百字令

咏月 丁酉年薦而下第之作偶檢得此稿錄之以博一笑

團欒桂樹香正滿生怕常儀秋熱掃盡纖塵方捧出三  
五冰輪皎潔碧海澄波白雲四卷豔射千堆雪雙星炯  
炯瑤空忽垂韎韞遙想當日吳剛幸廣寒高敞珠宮  
玉闕七寶妝成盼穠華微隔鮫綃羅幃顧免多情背人  
應笑我本無仙骨騎鸞何日羽衣親聆一闋

摸魚兒

用符南樵梅影韻

忽移入師雄夢裏枕邊暗香徐引分明推墮涼蟾影翠  
羽啁啾細認留芳印喜紙帳燈明冰雪藐姑近醉眸低  
趁奈一曲泉清半弓苔溼都被疎籬隱羅浮信星眼  
迷離雲氣惺忪尋春不準青衫私記飛鴻跡添上粉痕  
酒暈蓮漏盡忘落葉蕭蕭牕外霜華緊南枝蹴損正石  
徑黃昏數聲玉笛顚顚感潘鬢

金縷曲

唧唧同私語乍涼宵一聲半調被風吹去沙岸欲驚孤  
雁起那管勞薪辛苦又散作千絲萬緒銀漢漸低雲澹  
澹逗疎牕幾點芭蕉雨聽不斷到天曙擁衾悄坐縈

愁絮更誰家玉簫吹月清砧泣露丹鳳城南清夢醒悽  
絕離人思婦祇切切哀音低訴多恐傷秋懷遠客對青  
瑣腸斷關山路燈一點淚無數

賀新涼

翠縈花檻對小齋月輪初過海棠影淡十二回欄涼露  
滿薄醉乍回冰簟趁銀漢歸雲冉冉何處樓頭吹下笛  
和花冠兩點還三點紅燭炰錦屏掩 有人邇口腰圍  
減想料理寒衣寄遠春纖細檢刀尺無聲燈影淺添上  
涕痕青驂又生恐庾郎清儉妾夢不離江上路問何時  
飛渡芙蓉艤帶鉤窄手親摻

桂枝香

楊枝已老喜綽約丰姿迎眸調笑冶葉倡條尚舞東風  
殘照呢人依舊芙蓉好恨羊車相逢不早尊前厮見流  
風回雪落花依草 卻一樣推襟送抱作霜餘馬跡泥  
留鴻爪賭酒裁箋誰是五陵年少有人夢向天臺繞笑  
鰕生何曾修到算從今便乞余丹訣已傷潦倒

天香

褪粉零秋殘脂畫曉小閣花枝漸老波蘸衫輕語分弦  
細低訴懷人心稿鴻飛魚躍都認作蕭郎書到多少流  
黃織錦付與月華相照 玉階露涼風悄擾離愁寒蛩  
遞叫不分踈鳥留下閨年偏早想是銀河駕鵲定一歲  
一回怨清沼錯怪窗紗何時方曉

燕山亭

謝傅庭前昔日曾游畫閣亞欄春小杏靨含烟柳帶臨  
風妒殺籠中嬌鳥茶罷棋閒數屏上吳山碧繞何嘗羨  
天上蓬壺人中瑤島那意西風振槁對白髮青衫盡  
傷懷抱酒醒他鄉疎柳啼鴉難覓邯鄲古道腸斷琵琶  
彈別調鸞孤鳳老縹緲怕歸夢角聲催曉

高陽臺

古木棲鴉亂山繞郭西風吹冷彭城露滴空階黃花也  
綴新晴河聲遠送斜陽去和征鴻寫入哀箏喜樽前一  
片歸帆夕照孤明來宵楚水吳山夢騎一隻黃鶴玉  
笛高橫雙鬢飄蓬臥聽野戍寒更琴書久作梁園客趁

天涯柳眼青青莫悲秋故友相逢懷抱先傾

集賢賓

咏鴉寄蔣文若李楚珍

數行古木斜陽外啼向春晴豈是玉堂薇省風月雙清  
飛向郵亭啄肉一班謀食酸辛東塗西抹年年貫爲誰  
忽改幽襟悽絕天涯孝子三尺小山青亂翻墨點暮  
天橫尚有未歸人休問爲祥爲禍併入離心苦憶舊巢  
露冷孤雛待哺聲聲更多多少高樓望眼恨傳書不作鴻  
征可識依劉王粲短鬢久星星

時憶長  
壻已天

山亭宴

綠陰漸滿閒池館正江南鷗波初暖披拂愛東風把小  
閣簾旌盡卷竹爐活火試山泉也算抵故園高譙兩雨

燕斜飛又觸起鄉思遠 綠肥紅瘦愁春晚況帶孔沈

郎緩徧壯志久消沈只不禁笛悲箏怨園林日日數歸

期須聽報寒梅花放霜鬢久牢騷頻躑躅危亭畔

金明池

銅山署福德祠海棠往觀已將落矣感賦

屑玉搓酥研脂乳粉占卻韶光一半被幾日輕陰勒住  
湘波外紅絲未滿恰招攜白袷青裙踏柔莎閒款叢祠  
小院怎枝上鶻啼林邊鳩喚忽惹墜樓人怨 有多少  
藥欄柱館算次第芳蘭牡丹開徧笑濫厠道周游從青  
鏡裏髣髴同歎憩繁陰且醉金卮莫全付桐鄉流連吟  
玩待絳蠟高燒新妝欲睡只恐蜂鬚零亂

過秦樓

寂寞春朝蕭條旅館不知昨日清明憶故鄉花柳想淮  
水鍾山一碧初晴草長雨花青有冶游蠟屐縱橫笑紙  
鷓鴣線短綵輿香遠負手閒行 奈杜陵野老吟詩瘦怨  
年時春好折柳長亭慣作諸侯客只飄零鶯侶孤負鷗  
盟應是不思歸任蓬蒿三徑深深道子規啼徧敲枕山  
齋睡不能聽

遶佛閣

呢喃小燕銜泥處處繞梁尋徧錦屏小院記前度是王  
謝堂前見烟雲過眼吳頭楚尾山長水遠湘簾盡卷夕  
陽欲晚怕紅襟飛倦 底事偏留戀藻井周遭閒款款  
故國烏衣不少舊情眷怎冷落香芹光陰偷換品芳摘